

նից 'ի ձեռն երկուց արանց : Որոց հասեալ յերուսաղէմ  
 սիրով ընկալեալ եղեն 'ի Պատրիարքէն եւ 'ի միաբանաց :  
 և սիրով ունկնդիր եղեն բանից ազգին . այլ և խոստացան  
 կատարել զբովանդակն կանոնական բանից հետ զհետէ :  
 նոյն ժամայն սահմանեցին արկղ , ուր ունէր հաւաքիլ ա-  
 մենայն արդիւնք վանաց , և զբանալի նորին յանձն արա-  
 րին Մարտիրոս վարդապետի , և տուժարակալ կարգեցին  
 զԼուսարար Պետրոս եպիսկոպոսն . տեսին եւս զհաչիւ Զու-  
 խաճւոյն եւ կարգաւորեցին զգործ նորին ըստ կանոնին ,  
 եւ զայլս թողին գործադրել ըստ պիտոյից ժամանակին ,  
 եւ խոստացան վճարել զպարտոս Աթուոյն օգնութեամբ  
 ազգին : Եւ վասն այսր ամենայնի գրեցին գիր դոճուհա-  
 կութեան , ուր ձեռնարկեալ կնքեցին ամենեքեան , և ա-  
 ռաքեցին 'ի Կոստանդինուպօլիս . գրեցին նաեւ պատգա-  
 մաւորքն բացատրելով զհանգամանս գործոյն և զԱթուոյն ,  
 թէ պէտեւ կարգաւորեցին զներքին կառավարութիւն Աթու-  
 ոյն այսպիսի եղանակաւ , սակայն տագնապ մեծ էր Պատ-  
 րիարքին և խորհրդականաց յերեսաց դառնութեան ժա-  
 մանակին . զի հարկ անհրաժեշտ կայր 'ի վերայ հատուցա-  
 նել զսահմանեալ տարեկան տուրս այլազգեաց , եւ ար-  
 դիւնք ուխտաւորաց ժամանակին չէին բաւական հոգալ  
 զպէտոս Աթուոյն , որոյ վասն առաքեաց զնուիրակս յայլ  
 եւ այլ գաւառս ըստ նախնի սովորութեան : Եւ 'ի սմին  
 ժամանակի վախճանեցաւ Կարապետ վարդապետ Նուիրակն  
 Երուսաղէմի 'ի քաղաքն յԱթտերխան . լուեալ զայս Յու-  
 վակիմ Պատրիարքի գրեաց գիր խնդրանօք առ Կայսրու-  
 հին Ռուսաց Կատարինէ , շնորհել գիր հրամանի անկաս-  
 կած չրջիլ Նուիրակաց Երուսաղէմի յամենայն քաղաքս և  
 յաւանս յաշխարհին Ռուսաց , յորս բնակին յազգէն Հայոց  
 եւ ժողովել զկամաւոր նուէրս նոցա 'ի նպաստ վանօրէից  
 և վանականացն Հայոց եղելոց յԵրուսաղէմ . եւ պատրաս-  
 տեաց Կայսրուհւոյն ընծայ պատուական Խաչ ոսկի զար-  
 դարեալ պատուական ակամբք , յորում էր և մասն ինչ  
 'ի Կենաց փայտէն . այս Խաչ մնացեալ էր 'ի Գրիգոր Շըղ-  
 թայակիր Պատրիարքէ : Գրեաց նաեւ գիր օրհնութեան  
 առ Եղիազար Հայ իշխանազուն , լինիլ միջնորդ առ Կայս-  
 րուհին 'ի կատարումն խնդրոյ իւրոյ : Զայսուսիկ գրեանս